

TILSKIPUN EVRÓPUÞINGSINS OG RÁÐSINS 98/61/EB

um breytingu á tilskipun 97/33/EB að því er varðar númeraflutning milli fjarskiptafyrirtækja og forval á flutningsaðila(*)

EVROPUÞINGIÐ OG RÁÐ EVRÓPUSAMBANDSINS
HAGA,

með hliðsjón af stofnsáttmála Evrópubandalagsins, einkum 100 gr. a,

með hliðsjón af tillögu framkvæmdastjórnarinnar ⁽¹⁾,

með hliðsjón af álit efnahags- og félagsmálanefndarinnar ⁽²⁾,

í samræmi við málsmeðferðina sem mælt er fyrir um í 189. gr. b í sáttmálanum ⁽³⁾,

og að teknu tilliti til eftirfarandi:

Framkvæmdastjórnin hefur haft viðtækt almennt samráð á grundvelli grænbókar um númerafyrirkomulag í fjarskiptabjónustu í Evrópu.

Í þessu samráði var lögð áhersla á mikilvægi þess að allir markaðsaðilar hefðu jafnan aðgang að númerum, bæði að því er varðar magn og gæði, og á grundvallarþýðingu heppilegra númerakerfa, einkum með tilliti til númera-flutnings og vals á flutningsaðilum, sem eina helstu leiðina til að auka valmöguleika neytenda og virka samkeppni í fjarskiptaumhverfi sem hefur verið gefið frjálst.

Hinn 22. september 1997 samþykkti ráðið ályktun ⁽⁴⁾ þar sem framkvæmdastjórnin er hvött til að leggja tillögur fyrir Evrópuþingið og ráðið um að hraða því að komið verði á númeraflutningi og forvali á flutningsaðila.

Hinn 17. júlí 1997 samþykkti Evrópuþingið ályktun ⁽⁵⁾ þar sem þess var farið á leit við framkvæmdastjórnina að hún legði fram tillögu um breytingu á áður útgefinni tilskipun með það fyrir augum að koma á forvali á flutningsaðila og númeraflutningi.

Með hagsmuni neytenda í huga og að teknu tilliti til sérstakra aðstæðna á innlendum mörkuðum geta innlend eftirlitsyfirvöld hagað málum þannig að fyrirtækjum, sem starfrækja almenn fjarskiptanet án þess að hafa sterka markaðsstöðu, sé einnig gert skylt að bjóða forval á flutningsaðila, með möguleika á að hnekkja forvali fyrir hvert símtal um sig, þegar þetta leggur ekki hlutfallslega of miklar byrðar á slík fyrirtæki og hindrar ekki innkomu nýrra rekstraraðila á markaðinn.

Í samræmi við þetta ber að breyta tilskipun Evrópuþingsins og ráðsins 97/33/EB frá 30. júní 1997 um samtengingu í fjarskiptum til að tryggja altæka þjónustu og rekstrarsamhæfi með því að beita meginreglum um frjálstan aðgang að netum (ONP) ⁽⁶⁾.

SAMBÝKKT TILSKIPUN ÞESSA:

1. gr:

Tilskipun 97/33/EB er breytt sem hér segir:

Eftirfarandi skilgreiningar bætist við í 1. mgr. 2. gr.:

„h) „áskrifandi“: einstaklingur eða löggjörmspersóna sem hefur gert samning við veitanda fjarskiptabjónustu, sem er öllum aðgengileg, um að veita slíka þjónustu;

i) „svæðisnúmer“: númer úr innlendri númeraáætlun þar sem hluti af talnasamsetningunni er landfræðileg vísun sem er notuð til að beina símtölum á eiginlegan nettengipunkt áskrifandans sem hefur verið úthlutað númerinu.“

2. Í stað fyrstu undirgreinar 5. mgr. 12. gr. komi eftirfarandi:

„5. Innlend eftirlitsyfirvöld skulu hvetja til þess að eins fljótt og auðið er verði komið upp aðstöðu til númeraflutninga milli fjarskiptafyrirtækja sem veitir þeim áskrifendum, sem þess óska, möguleika á því að halda númeri eða númerum sínum á fasta almenna símanetinu og stafræna samþætta þjónustunetinu (ISDN-samnetinu), óháð því hvaða fyrirtæki veitir þjónustuna, á sérstökum stað þegar um er að ræða svæðisnúmer og hvar sem er þegar um er að ræða önnur númer, og sjá til

(*) Þessi EB-gerð, sem birtist í Stjtið. EB L 268, 3.10.1998, bls. 37, var nefnd í ákvörðun sameiginlegu EES-nefndarinnar nr. 36/1999 frá 28. apríl 1999 um breytingu á XI. viðauka (Fjarskiptabjónusta) við EES-samninginn, sjá þessa útgáfu af EES-viðbæti við Stjórnartíðindi Evrópubandalaganna.

(1) Stjtið. EB C 330, 1. 11. 1997, bls. 19 og Stjtið. EB C 13, 17. 1. 1998, bls. 10.

(2) Stjtið. EB C 73, 9. 3. 1998, bls. 107.

(3) Álit Evrópuþingsins frá 20. nóvember 1997 (Stjtið. EB C 371, 8. 12. 1997, bls. 180), sameiginleg afstaða ráðsins frá 12. febrúar 1998 (Stjtið. EB C 91, 26. 3. 1998, bls. 42) og ákvörðun Evrópuþingsins frá 14. maí 1998 (Stjtið. EB C 167, 1. 6. 1998). Ákvörðun ráðsins frá 20. júlí 1998.

(4) Stjtið. EB C 303, 4. 10. 1997, bls. 1.

(5) Stjtið. EB C 286, 22. 9. 1997, bls. 232.

(6) Stjtið. EB L 199, 26. 7. 1997, bls. 32.

Þess að þessi aðstaða sé fyrir hendi eigi síðar en 1. janúar 2000 eða, í þeim löndum sem hafa fengið lengri frest til aðlögunar, eins fljótt og unnt er eftir það, þó eigi síðar en tveimur árum eftir síðari dagsetningu þegar ákveðið verður að gefa talsímabjónustu frjálsta að fullu.“

3. Eftirfarandi málsgrein bætist við 12. gr:

„7. Innlend eftirlitsyfirvöld skulu krefjast þess, að minnsta kosti þegar í hlut eiga fyrirtæki sem starfrækja almenn fjarskiptanet samkvæmt 1. hluta I. viðauka og sem innlendu eftirlitsyfirvöldin hafa tilkynnt að hafi sterka markaðsstöðu, að þau veiti áskrifendum sínum, þar á meðal þeim sem nota stafræna samþætta þjónustunetið (ISDN), aðgang að skiptiþjónustu allra samtengdra aðila sem bjóða fram fjarskiptaþjónustu sem er öllum aðgengileg. Þessi aðstaða skal vera fyrir hendi eigi síðar en 1. janúar 2000 eða, í þeim löndum sem hafa fengið lengri frest til aðlögunar, eins fljótt og unnt er eftir það, þó eigi síðar en tveimur árum eftir síðari dagsetningu þegar ákveðið verður að gefa talsímabjónustu frjálsta að fullu, en það gerir áskrifanda kleift að velja þessa þjónustu með forvali sem býður upp á að föstu forvali sé hnekkkt í hverju símtali um sig með því að slá inn stutt forvalsnúmer.

Innlend eftirlitsyfirvöld skulu sjá til þess að verðlagning samtengingar vegna þessa möguleika sé kostnaðartengd og að bein gjaldtaka af neytendum, ef um slíkt er að ræða, hafi ekki letjandi áhrif á notkun þessa möguleika.“

4. Í stað fyrsta málsliðar í 2. mgr. 20 gr. komi eftirfarandi:

„2. Hægt er að óska eftir fresti vegna þeirra skyldna sem um getur í 5. og 7. mgr. 12. gr. ef hlutadeigandi aðildarríki getur sýnt fram á að þær myndu íþyngja óhóflega tilteknum fyrirtækjum eða flokkum fyrirtækja.“

2. gr.

Aðildarríkin skulu gera nauðsynlegar ráðstafanir til að fara að tilskipun þessari fyrir 31. desember 1998. Þau skulu þegar í stað tilkynna framkvæmdastjórninni um þær.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær verða birtar opinberlega. Aðildarríkin skulu setja nánari reglur um slíka tilvísun.

Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessi öðlast gildi á þeim degi sem hún birtist í *Stjórnartíðindum Evrópubandalaganna*.

4. gr.

Tilskipun þessari er beint til aðildarríkjanna.

Gjört í Brussel 24. september 1998.

Fyrir hönd Evrópuþingsins,

Fyrir hönd ráðsins,

J. M. GIL-ROBLES

J. FARNLEITNER

forseti.

forseti.